

Bosna i Hercegovina

Federacija Bosne i Hercegovine

Tuzlanski kanton

Turistička zajednica Tuzlanskog kantona

Broj :07-293/19

Datum: 06.04.2020. godine

Na osnovu člana 64. Stav 1. tačka b), člana 70. Stav 1, 3, i 6. Zakona o javnim nabavkama („Službeni glasnik BiH“ broj 39/14), te na osnovu preporuke Komisije za nabavke, a po provedenom postupku za nabavku izrade i postavljanja vertikalne turističke signalizacije, voditelj Turističkog ureda za Turističku zajednicu Tuzlanskog kantona d o n o s i:

O D L U K U

o izboru napovoljnijeg ponuđača

Član 1.

Prihvata se preporuka Komisije za nabavke, te se ugovor za nabavku izrade i postavljanja vertikalne turističke signalizacije dodjeljuje ponuđaču „Timing“ doo Tuzla koji e dostavio svoju ponudu broj 167/19 od 26.06.2019. godine u kojoj je ponuđena cijena 133.370,00 KM bez PDV-a odnosno 156.042,90 KM sa uračunatim PDV-om.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. Stav 2. Zakona o javnim nabavkama.

Član 3.

Ova odluka objavit će se na web-stranici ugovornog organa ([www. Tourism-tk.ba](http://www.Tourism-tk.ba)) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Ugovorni organ Turistička zajednica Tuzlanskog kantona pokrenula je postupak javne nabavke Odlukom o pokretanju postupka javne nabavke broj: 07-293/19 od 31.05.2019. godine te je isti proveo postupak putem otvorenog postupka za koji je objavljeno obavještenje o nabavci broj:16812-1-3-10-3-2/19 od dana 31.05.2019. godine i ispravke za obavještenje broj:16812-1-3-10-8-3/19 od dana 18.06.2019. godine na portalu javnih nabavki.

U postupku evaluacije ponuda, Komisija za javne nabavke imenovana Rješenjem broj:07-293/19 od 31.05.2019. godine, je zaprimila pristigle ponude, izvršila otvaranje ponuda, pregled i ocjenu ponuda prema zahtjevima i postavljenim uvjetima u tenderskoj dokumentaciji.

Komisija za javne nabavke je zapisnikom o ocjeni ponuda broj:07-293/19 koji se dostavlja u prilogu ove odluke utvrdila sljedeće:

- Ukupan broj pristiglih ponuda je 4 (četiri)
- Blagovremeno zaprimljenih ponuda je 4 (četiri)
- Nije bilo neblagovremenih ponuda
- Da su tri ponude neprihvatljive
- Da je jedna ponuda prihvatljiva

U vezi ukupno četiri pristigle ponude konstatovano je sljedeće :

- Ponuda ponuđača „ Buljan ceste „ d.o.o. Kreševo nije numerisana, što je utvrđeno detaljnom analizom ponude ovog ponuđača, a što na ovaj način definisanu ponudu čini neprihvatljivom. Tačkom 4.1. tenderske dokumentacije u stavu 5. Između ostalog definisano je :“ Stranice ponude se označavaju rednim brojem na način da je vidljiv redni broj stranice . Kada je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio“. Obzirom da ponuda ponuđača ne ispunjava naprijed citirani uvjet iz tenderske dokumentacije, ova ponuda je ocijenjena kao neprihvatljiva u skladu sa odredbama člana 2. stav 3. alineja 1) Zakona o javnim nabavkama.
- Ponuda ponuđača „ Werbelicht Adria „ d.o.o. Breza nije dostavljena u skladu sa uvjetima iz tenderske dokumentacije, a što ovu ponudu čini neprihvatljivom.
Naime, uz ponudu ovog ponuđača je dostavljen Aneks 2-Obrazac za cijenu ponude koji nije važeći, jer je u toku provođenja postupka javne nabavke ugovorni organ izvršio dvije izmjene tenderske dokumentacije i iste objavio na Portalu javnih nabavki.
U izmjeni tenderske dokumentacije broj : 07/293-19 od 18.06.2019. godine navedeno je :
„ NAPOMENA: PONUĐAČI SU DUŽNI DOSTAVITI PONUDU NA NOVOM ANEKS-U
2.- OBRAZA ZA CIJENU PONUDE KOJI SE NALAZI U PRILOGU.“
S tim u vezi, a uvidom u ovu Ponudu utvrđeno je da ista ne ispunjava naprijed navedeni uvjet iz tenderske dokumentacije, što je čini neprihvatljivom.
Također, analizom ove ponude utvrđeno je da je na stranicama iste 8.I 9. Ponuđač dostavio Rješenje o upisu subjekta upisa u sudski registar koji sadrži samo dvije stranice i na kojem nisu navedene informacije o djelatnostima za koje je ovaj ponuđač registrovan, a što je suprotno tački 3.2 tenderske dokumentacije.
Tačkom 3.2 tenderske dokumentacije definisano je da:
„ Ponuđači trebaju uz ponudu dostaviti dokaz o registraciji u relevantnom profesionalnim ili drugim registrima u zemlji u kojoj je registriran, ili dostaviti posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost koja je u vezi sa predmetom nabavke“.
Uvidom u dostavljeno Rješenje o upisu subjekta u sudski registar koje je dostavio ponuđač utvrđeno je da nije dostavljen dokaz ponuđač registrovan za djelatnosti koja je predmet nabavke, te da ovaj ponuđač nije dostavio dokaz za sposobnost obavljanje profesionalne

djelatnosti u skladu sa zahtjevima tenderske dokumentacije pa je iz tog razloga ponuda ovog ponuđača ocijenjena neprihvatljiva, u skladu sa odredbama člana 2. Stav 3. Alineja 1) Zakona o javnim nabavkama.

- Ponuda ponuđača „ Sacom „ d.o.o. Ilijaš je u postupku uvida i analize svih pristiglih ponuda ocijenjena kao neprihvatljiva iz razloga što nije definirana na način kako je to propisano Tenderskoj dokumentaciji.

Ugovorni organ je Tenderskom dokumentacijom, 4.12 propisao:

„ Ponuđači su dužni uz ponudu dostaviti uzorak table dimenzija 1600mm x 300mm ili tablu dimenzija 1000mm x 300mm.“

S tim u vezi, ponuđač „ Sacom“ d.o.o. Ilijaš je uz ponudu dostavio uzorak koji ne odgovara propisanim uvjetima iz tenderske dokumentacije.

Naime, Tenderskom dokumentacijom i to Aneksom 2-Obrazac za cijenu ponude stav 3., decidno je definirano:

„ Nabavka i izrada info turističke table dimenzija 1600mm x 300mm Izrada od AL lima debljine 2mm duplo povijenih rubova, zaobljenih uglova, outline 10mm Poleđina smeđa (RAL 8016) prašnjavo lakirana Aplikacija podloge i ispisa table- 3M folija EGP reflektirajuća „ ENGINEER GRADE PRISMATIC“3930-3M,10“

Ponuđač „ Sacom „ d.o.o. Ilijaš je dostavio ponudu, sa uzorkom iz kojeg je evidentno da uzorak koji je dostavljen ne ispunjava uvijete iz naprijed citiranog Aneksa2-Obrazac za cijenu ponude stav 3. tenderske dokumentacije, jer je ponuđač dostavio uzorak sa duplo povijenim rubovima STRANICA, dok na UGLOVIMA info turističke table rubovi nisu povijeni.

Također, uzorak koji je dostavio ponuđač „ Sacom „ d.o.o. Ilijaš uz ponudu, nije adekvatan naprijed citiranom Aneksu 2- Obrazac za cijenu ponude stav 3. tenderske dokumentacije, jer poleđina dostavljenog uzorka info turističke table ne odgovara naprijed navedenim zahtjevima i traženom kvalitetu iz tenderske dokumentacije u pogledu lakiranja.

Naime, Komisija je utvrdila da isti uzorak ne ispunjava naprijed tražene uvjete jer isti nije otporan na habanje i abraziju jer se isti može prstom zagrebat, a što se ne bi desilo da je isti uzorak prsašnjavo lakiran, jer farbanje na taj način omogućava zadovoljavajuće rezultate u pogledu postojanosti boje, a koja se zasniva na površinskom nanošenju praha.

Dakle, iz navedenog proizilazi da ponuda ponuđača „ Sacom „ d.o.o. Ilijaš nije podudarna sa uvjetima tenderske dokumentacije, odnosno ista nije prihvatljiva u pogledu dostavljenog uzorka.

-Ponuda ponuđača Timming d.o.o Tuzla je ocijenjena kao prihvatljiva, jer ispunjava sve uvjete tražene tenderskom dokumentacijom.

Nakon svega gore navedenog, a kako je to utvrdila Komisija za javne nabavke, kako ponuda ponuđača „ Timming“ d.o.o. Tuzla u potpunosti odgovara traženim tehničkim zahtjevima ugovornog organa, da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći sve navedeno donijeta je odluka kao u dispozitivu.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi, putem ugovornog organa, u roku od 10 (deset) dana od dana prijema ove odluke.

Turistička zajednica Tuzlanskog kantona

Voditelj Turističkog ureda

Miralem Mešković dipl.ecc